

**Obraćanje Nj. E. Vilima Primorca, zamjenika ministra
Ministarstva vanjske trgovine i ekonomskih odnosa Bosne i Hercegovine¹**

**u povodu održavanja Šeste ministarske konferencije "Okoliš za Evropu"
Plenarna sesija: Perspektive Jugoistočne Europe**

Beograd, 11.10.2007. godine (11,00 do 13,00 sati)

**Vaše ekscelencije,
ministri
dame i gospodo.**

Posebno mi je čast pozdraviti prisutne ispred Ministarstva vanjske trgovine i ekonomskih odnosa Bosne i Hercegovine, koje se pored mnogih pitanja na međunarodnom planu bavi i zaštitom okoline, te da naglasim da mi lično predstavlja izuzetno zadovoljstvo da prisustvujemo ovom, za Bosnu i Hercegovinu izuzetno važnom skupu, Šestoj ministarkoj konferenciji "Okolina za Evropu".

Raduje nas da se aktivnosti odvijaju u duhu posvećenosti regionalne saradnje iz čega treba da proistekne veliki broj aktivnosti i inicijativa, koje u konačnici trebaju rezultirati boljim razumjevanjem potreba i prilika zemalja u regionu Jugoistočne Europe, njihovim odnosima i uspješnijoj saradnji, pored zaštite okoline i drugim pitanjima kao što su: jačanje dobrosusjedskih odnosa, okolinski prihvatljivog privrednog razvoja, pružanja tehničke pomoći, zatim sigurnosnoj, turističkoj i svakoj drugoj saradnji u ovom dijelu Evrope.

Svjedoci smo da nas već odavno pogađaju globalni problemi zagađenja okoliša i općeg pogoršavanja uslova života izazvani emisijama stakleničkih gasova, osiromašenjem ozonskog omotača, raznim drugim ispuštima i zagađenjima, te sve više prisutnog nedostatka potrebnih resursa za očuvanje zdravlja i života ljudi ali i ugrožavanja i nestajanja biljnih i životinjskih vrsta. To nas obavezuje na široku akciju i zajednički rad svih aktera od građana preko civilnog društva preko čto je moguže bržeg uključivanja privatnog sektora.

Imajući u vidu navedeno želim da nas sve pozovem na usku saradnju, posebno Republiku Hrvatsku i zemlju domaćina, da pomognu ostalim zemljama iz regiona u bržem prihvatanju i usvajanju acquis

¹ The present document is a scanned copy of a statement received on 11 October 2007 during the Sixth Ministerial Conference "Environment for Europe" (Belgrade, 10-12 October 2007). The document has not been formally processed by the UNECE.

communautaire, kako bi ostale zemlje lakše i brže ispunile uslove iz oblasti zaštite okoline te postale zemlje i okolinski usklađene propisima idrugim regulativama Europske Unije koji će omogućiti građanima regije Jugoistočne Europe lakše integriranje u Europsku Uniju. Naravno da je u tom procesu uloga UNECE-a dio procesa bez kojeg se ovi zadaci teško mogu ostvariti. Stoga Bosna i Hercegovina snažno podržava proces "Okolina za Europu"

Svjesni činjenice da je sub-regionalna saradnja na polju zaštite okoliša važan instrument za jačanje sigurnosne, političke i ekonomske stabilnosti smatramo da ovaj vid okupljanja i saradnje daje dobru osnovu za uključivanje cijelog regiona u proces evropskih integracija.

Bosna i Hercegovina je zemlja koja još uvijek zahtjeva pažnju i angažman međunarodne zajednice u rješavanju i definiranju mnogih pitanja, u čemu uloga i uticaj zemalja iz regiona ima poseban značaj i speifičnu težinu.

U tom smislu ističem da Bosna i Hercegovina podržava svaki oblik regionalnog uvezivanja i saradnje čime se stvaraju pretpostavke i neophodni uslovi da Bosna i Hercegovina u okolinskom smislu postane ravnopravan partner drugim zemljama, ta da bude spremna da uspješno ispunjava obveze koje proističu iz procesa prihvatanja i ratifikacije međunarodnih dokumenata, deklaracija, konvencija, protokola te drugih bilateralnih i multilateralnih okolinskih sporazuma.

Oom prilikom želim da istaknem da će ovo Bosna i hercegovina učiniti maksimum napora, uz angažovanje svih neophodnih resursa da što je moguže prije krene ka uspostavljanju inegralnog sistema zaštite okoline, koji treba da se, nadamo se, u vrlo skoro vrijeme inkorporira i postane dio evropskog integralnog sistema zaštite okoline.

I na samom kraju želim da se zahvalim zemlji domaćinu na uloženom trudu i naporima da izvrsno organizuje ovu značajnu i zahtjevnu Konfernciju, kao i svima koji su na bilo koji način dali svoj doprinos da se uspješno i na vrijeme realizira izuzetno veliki broj zadataka i obveza, što to moram istaći, na najbolji način.

Hvala!